

XV

Разрјешава се дужности члана **Одбора за пољопривреду, водопривреду и шумарство Представничког дома Парламента Федерације Босне и Херцеговине:**

ЈОСИП МАРТИЋ, посланик ХДЗ БиХ, ХСС, ХКДУ БиХ, ХСП Др. Анте Старчевић, ХСП ХБ.

За члана **Одбора за пољопривреду, водопривреду и шумарство Представничког дома Парламента Федерације Босне и Херцеговине** бира се:

БОРИС МАРЈАНОВИЋ, посланик ХДЗ БиХ, ХСС, ХКДУ БиХ, ХСП Др. Анте Старчевић, ХСП ХБ.

XVI

Разрјешава се дужности предсједника **Одбора за просторно уређење, стамбено-комуналну политику, екологију и туризам Представничког дома Парламента Федерације Босне и Херцеговине:**

МУХАРЕМ ФИШО, посланик БПС-Сефер Халиловић.

За предсједника **Одбора за просторно уређење, стамбено-комуналну политику, екологију и туризам Представничког дома Парламента Федерације Босне и Херцеговине** бира се:

ЈУСУФ БУБИЦА, посланик БПС-Сефер Халиловић.

XVII

Одлуку објавити у "Службеним новинама Федерације БиХ".

ПД број 01-02-3-642/15-1
13. маја 2015. године
Сарајево

Предсједавајући
Представничког дома
Парламента Федерације БиХ
Един Мушић, с. р.

FEDERALNO MINISTARSTVO POLJOPRIVREDE, VODOPRIVREDE I SUMARSTVA

671

На основу члана 17. став (5), а у вези са чланом 28. Закона о пољопривредним савјетодавним службама ("Службене новине Федерације БиХ", број 66/13), федерални министар пољопривреде, водопривреде и шумарства доноси

ПРАВИЛНИК

О НАЧИНУ И ПОСТУПКУ ИЗДАВАЊА LICENCE, UPISU I VOĐENJU PODATAKA U REGISTRU POLJOPRIVREDNIH SAVJETODAVNIH SLUŽBI

I - OPĆE ODREDBE

Član 1. (Predmet)

Ovim Pravilnikom se uređuje način i postupak izdavanja licence i upis u Registar poljoprivrednih savjetodavnih službi (u daljem tekstu: Registar službi) pravnog lica za obavljanje djelatnosti privatne savjetodavne službe, način podnošenja, sadržaj i obrazac zahtjeva za izdavanje dozvole za rad - licence (u daljem tekstu: licence) i upis u Registar službi, oblast savjetodavne djelatnosti za koju se izdaje licence i vrši upis u Registar službi, uslovi za izdavanje licence i upis u Registar službi, sadržaj licence i Registra službi, postupak izmjene i oduzimanja licence, izmjene podataka upisanih u Registar službi, te sadržaj, oblik i način vođenja Registra službi.

Član 2. (Definicije)

- (1) Pojedini izrazi upotrijebljeni u ovom Pravilniku imaju sljedeće značenje:
- podnosilac zahtjeva** označava osnivača, odnosno lice ovlašteno osnivačkim aktom, generalnim odnosno specijalnim punomoćjem ili na osnovu drugog

pravnog osnova da podnese zahtjev za izdavanje licence i upis u Registar službi, brisanje ili izmjenu podataka;

- vlasnik licence** označava pravno lice kojem je Federalno ministarstvo poljoprivrede, vodoprivrede i šumarstva (u daljem tekstu: Federalno ministarstvo) izdalo licencu za oblast savjetodavne djelatnosti u skladu sa članom 16. stav (1) Zakona o poljoprivrednim savjetodavnim službama (u daljem tekstu: Zakon) i odredbama ovog Pravilnika, na osnovu koje se vrši upis u Registar službi i donosi rješenje o upisu u Registar službi.
- (2) Ostali izrazi upotrijebljeni u ovom Pravilniku imaju značenja utvrđena Zakonom.

Član 3.

(Privatna savjetodavna služba)

- Pravno lice koje se na teritoriji Federacije Bosne i Hercegovine (u daljem tekstu: Federacije BiH) bavi savjetodavnom djelatnosti iz člana 5. Zakona mora posjedovati licencu za određenu oblast ili oblasti savjetodavne djelatnosti i biti upisano u Registar službi.
- Posjedovanje licence za određenu oblast ili oblasti savjetodavne djelatnosti i upis u Registar službi iz stava (1) ovog člana nije obavezan za javne savjetodavne službe.
- Pravno lice iz stava (1) ovog člana, u skladu sa članom 17. stav (1) Zakona, stiče pravo upisa u Registar službi, dobijanjem licence od Federalnog ministarstva.
- Zahtjev za izdavanje licence i upis u Registar službi i promjenu podataka, podnosi se Federalnom ministarstvu.
- Podnosilac zahtjeva obavezan je dokazati ispunjavanje svih uslova za izdavanje licence, upis u Registar službi i izdavanje rješenja o upisu u Registar službi.

II - POSEBNE ODREDBE

1. LICENCA, USLOVI ZA IZDAVANJE LICENCE I UPIS U REGISTAR SLUŽBI

Član 4.

(Licenca)

- Pravnom licu Federalno ministarstvo izdaje licencu ako ispunjava uslove propisane Zakonom i ovim Pravilnikom.
- Licenca i upis u Registar službi za obavljanje savjetodavne djelatnosti iz člana 5. Zakona, izdaje se za sljedeću oblast ili oblasti, i to:
 - ratarstvo, povrtlarstvo, mehanizacija i ekonomika ovih proizvodnji,
 - voćarstvo, mehanizacija i ekonomika ovih proizvodnji,
 - vinogradarstvo, mehanizacija i ekonomika ovih proizvodnji,
 - stočarstvo, akvakultura, mehanizacija i ekonomika ovih proizvodnji
 - ruralni razvoj.

Član 5.

(Uslovi za izdavanje licence i upis u Registar službi)

- Pravnom licu izdaje se licence, vrši se upis u Registar službi i donosi rješenje kada ispunji uslove iz čl. 16. stav (1) i 17. stav (1) Zakona.
- Na osnovu rješenja iz stava (1) ovog člana, privatne savjetodavne službe mogu da vrše poslove savjetodavne djelatnosti u oblastima za koje imaju zaposlene certificirane savjetodavce, upisane u Registar poljoprivrednih savjetodavaca (u daljem tekstu: Registar savjetodavaca) u skladu sa Zakonom i posebnim propisom kod Federalnog ministarstva za oblast ili oblasti savjetodavne djelatnosti iz člana 4. stav (2) ovog Pravilnika.

2. NAČIN I POSTUPAK PODNOŠENJA ZAHTJEVA ZA IZDAVANJE LICENCE I UPIS U REGISTAR SLUŽBI I PROMJENU PODATAKA

Član 6.

(Podnošenje zahtjeva)

- (1) Zahtjev za izdavanje licence i upis u Registar službi i promjenu podataka, pravno lice podnosi Federalnom ministarstvu na Obrascu koji se nalazi u Prilogu 1. ovog Pravilnika i čini njegov sastavni dio.
- (2) Pravno lice obavezno je uz zahtjev priložiti u originalu ili ovjerenoj kopiji dokumenta propisana članom 16. stav (2) Zakona i dokaz o uplati naknade za izdavanje licence i rješenja.
- (3) Zahtjev iz stava (1) ovog člana sa prilogima iz stava (2) ovog člana podnosi se u pisanom obliku, ovjeren i potpisan od strane podnosioca zahtjeva, a dostavlja se na adresu Federalnog ministarstva.

Član 7.

(Izdavanje licence i rješenja o upisu u Registar službi)

- (1) Nakon provedenog postupka provjere kompletnosti zahtjeva za izdavanje licence i upis u Registar službi, te utvrđivanja da podnosilac zahtjeva ispunjava sve uslove propisane Zakonom i ovim Pravilnikom, Federalno ministarstvo pravnom licu izdaje licencu, na osnovu koje se vrši upis u Registar službi i donosi rješenje o upisu u Registar službi.
- (2) Privatna savjetodavna služba upisana u Registar službi dužna je osigurati da su propisani uslovi ispunjeni u toku cijelog vremenskog perioda važenja licence i rješenja o upisu u Registar službi.

Član 8.

(Oblik licence)

Licenca se izdaje na Obrascu koji se nalazi u Prilogu 2. ovog Pravilnika i čini njegov sastavni dio.

3. PROMJENA PODATAKA NA OSNOVU KOJIH JE PRAVNOM LICU IZDATA LICENCA I IZVRŠEN UPIS U REGISTAR SLUŽBI

Član 9.

(Promjena podataka)

- (1) Pravno lice upisano u Registar službi dužno je prijaviti Federalnom ministarstvu sve promjene nastale u uvjetima propisanim Zakonom i ovim Pravilnikom u roku od 15 dana od dana nastanka promjene.
- (2) U slučaju iz stava (1) ovog člana, pravno lice dužno je podnijeti zahtjev za izdavanje nove licence i upis u Registar službi i promjenu podataka.
- (3) Nova licenca i rješenje o upisu u Registar službi, pravnom licu se izdaje nakon što vrati licencu čiji se podaci mijenjaju.

Član 10.

(Prestanak važenja licence)

Privatnoj savjetodavnoj službi, licenca prestaje važiti:

- a) brisanjem iz sudskog registra i
- b) brisanjem iz Registra službi.

4. REGISTAR SLUŽBI

Član 11.

(Registar službi)

- (1) Federalno ministarstvo uspostavlja Registar službi.
- (2) Podaci upisani u Registar službi vode se na elektronski način i upisuju se na odgovarajući medij kao sigurnosna kopija nakon upisa ili nakon upisa svake promjene.
- (3) Federalno ministarstvo vodi i zbirku dokumenta, odvojeno za svaku registrovanu privatnu savjetodavnu službu, u koju se u obliku kartoteke nose dokumenti i drugi spisi u vezi sa upisom.

Član 12.

(Ovlašteno lice za vođenje Registra službi)

- (1) Upis u Registar službi, kao i unos dokumenta i drugih spisa u zbirku dokumenta vrši lice koje za to posebnim rješenjem ovlasti federalni ministar poljoprivrede, vodoprivrede i šumarstva.
- (2) Ovlašteno lice iz stava (1) ovog člana odgovorno je za pravilan upis i uredno vođenje i ažuriranje Registra službi i zbirke dokumenta i dužno je čuvati Registar službi i zbirku dokumenata tako da se zaštiti od zloupotrebe, oštećenja ili uništenja.

Član 13.

(Podaci koji se vode u Registru službi)

- (1) U Registar službi upisuju se sljedeći podaci:
 - a) redni broj upisa u Registar službi,
 - b) datum upisa u Registar službi,
 - c) naziv pravnog lica, kanton, sjedište (mjesto, ulica i broj),
 - d) broj i datum izdavanja licence,
 - e) oblast ili oblasti savjetodavne djelatnosti za koju je izdata licenca,
 - f) ime i prezime poljoprivrednih savjetodavaca,
 - g) broj i datum rješenja o upisu u Registar službi,
 - h) broj i datum rješenja o promjenama rješenja o upisu u Registar službi i
 - i) broj i datum rješenja o brisanju iz Registra službi.
- (2) Federalno ministarstvo Registar službi iz stava (1) ovog člana objavljuje jednom godišnje u "Službenim novinama Federacije BiH", a ažurirani Registar se objavljuje na službenoj internet stanici Federalnog ministarstva.

III - PRELAZNE I ZAVRŠNE ODREDBE

Član 14.

Pravna lica koja vrše poljoprivrednu savjetodavnu djelatnost na teritoriji Federacije Bosne i Hercegovine dužna su uskladiti svoje poslovanje s odredbama ovog Pravilnika u roku od osamnaest mjeseci od dana njegova stupanja na snagu.

Član 15.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Broj 04-02/1-1459-1/14
04. maja 2015. godine
Sarajevo

Ministar
Mr. sci. **Šemsudin Dedić**, s. r.

Prilog 1.

OBRAZAC ZAHTEVA ZA IZDAVANJE DOZVOLE ZA RAD – LICENCE PRIVATNOJ SAVJETODAVNOJ SLUŽBI I UPIS U REGISTAR SLUŽBI I PROMJENU PODATAKA
--

(Naziv pravnog lica)

Broj: _____

Datum: _____

**BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO POLJOPRIVREDE,
VODOPRIVREDE I ŠUMARSTVA
UL. MARKA MARULIĆA BR. 2
71 000 SARAJEVO**

PREDMET: Zahtjev za izdavanje dozvole za rad – licence privatnoj savjetodavnoj službi i upis u Registar službi i promjenu podataka

U skladu sa članom 16. stav (1) i članom 17. stav (1) Zakona o poljoprivrednim savjetodavnim službama, podnosim zahtjev za

izdavanje licence i upis

promjena podataka

1.	Naziv pravnog lica	1.
2.	2.1 Adresa : 2.2 Kanton, općina, ulica 2.3 Web adresa	2.1 2.2 2.3
3.	MBS	3.
4.	4.1 Pravni oblik 4.2 ID broj (porezni)	4.1 4.2
5.	Kontakt lice – odgovorno lice u pravnom licu	5.
6.	Kontakt podaci odgovornog lica 6.1 Tel. : 6.2 Faks. 6.3 e-mail:	6.1 6.2 6.2
7.	Adresa prostora u kojem će se obavljati savjetodavna djelatnost	7.
8.	Oblast savjetodavne djelatnosti za koju se podnosi zahtjev za izdavanje licence i upis u Registar službi	8.
9.	Zaposleni poljoprivredni savjetodavac/i, za svakog pojedinačno navesti:	9.1 9.2 9.3

9.1 Ime i prezime, zvanje; 9.2 RegistarSKI broj; 9.3. Broj certifikata; 4. Datum i broj ugovora o radu odnosno akta o zaposlenju poljoprivrednog savjetodavca	9.4
	9.1
	9.2
	9.3
	9.4
	9.1
	9.2
	9.3
	9.4

Napomena:

Pod red. br. 3. upisuje se broj subjekata pod kojim je pravno lice registrovano u sudskom registru;

Pod red. br. 8.2. upisuje se broj pod kojim je poljoprivredni savjetodavac registrovan u Registru savjetodavaca kod Federalnog ministarstva.

10. Izjavljujem da sam upoznat sa obavezama koje mora ispunjavati Privatna savjetodavna služba, kojoj je izdata licenca, izvršen upis u Registar službi i izdato rješenje, a posebno da:

- ću u propisanom roku izvjestiti Federalno ministarstvo poljoprivrede, vodoprivrede i šumarstva o svim nastalim promjenama na osnovu kojih je izdata licenca, izvršen upis u Registar službi i izdato rješenje o upisu u Registar službi;
- ću dozvoliti nesmetan pristup prostorijama za rad ovlaštenim licima nadležnih organa u upravnom ili inspekcijskom nadzoru, te na zahtjev nadležnog inspektora odnosno ovlaštenog lica dati na uvid sve tražene dokumente i informacije;
- neću obavljati sljedeće poslove:
 - i. reklamne i promotivne poslove za sjemenske firme, proizvođače mineralnih đubriva i sredstava za zaštitu bilja, mehanizacije i sl. , osim u slučaju kada su one dio sajмова, izložbi o demonstracijskih ogleda uz prisustvo još najmanje jednog izlagača koji izlaže sličan proizvod;
 - ii. proizvodne aktivnosti osim kada se radi o oglednoj, demonstracionoj ili intđukcijskoj proizvodnji, za koju imam saglasnost Federalnog ministarstva;
- ću u svom radu koristiti metode savjetodavnog rada uređene posebnim propisima, koje donosi federalni ministar poljoprivrede, vodoprivrede i šumarstva;
- sam upoznat sa sankcijama kojima ću biti podvrgnut u slučaju kršenja odnosno neispunjavanja gore navedenih zahtjeva.

M.P

Potpis podnosioca zahtjeva

Prilog 2.

BOSNA I HERCEGOVINA FEDERACIJA BOSNE I HERCEGOVINE FEDERALNO MINISTARSTVO POLJOPRIVREDE, VODOPRIVREDE I ŠUMARSTVA	BOSNIA AND HERZEGOVINA FEDERATION OF BOSNIA AND HERZEGOVINA FEDERAL MINISTRY OF AGRICULTURE, WATER MANAGEMENT AND FORESTRY
--	---

Broj licence:
Registarski broj upisa:
Sarajevo, _____, godine

Na osnovu člana 16. stav (1) Zakona o poljoprivrednim savjetodavnim službama, Federalno ministarstvo poljoprivrede, vodoprivrede i šumarstva, izdaje

**L I C E N C U
PRIVATNOJ SAVJETODAVNOJ SLUŽBI**

(naziv pravnog lica)

ZA OBAVLJANJE POLJOPRIVREDNE SAVJETODAVNE DJELATNOSTI:

(oblast savjetodavne djelatnosti)

(oblast savjetodavne djelatnosti)

(oblast savjetodavne djelatnosti)

(oblast savjetodavne djelatnosti)

M.P. **MINISTAR**